

**Ethica Amoris, Sive Theologia Sanctorum, Magni  
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones  
Strenuè propugnata, Et In Materiis Principaliter Hodie Controversis  
Fundamentaliter discussa

De Externis Regulis Amoris Et Morum, Legibus Utique, ac Praeceptis  
Virtutum Theologicarum, & Cardinalium, necnon Decalogi & Ecclesiae -  
Libros Vndecim Complectens

**Henricus, de Sancto Ignatio  
Leodii, 1709**

Caput IX. Omnis humana lex, propriè dicta, sive ecclesiastica, sive civilis,  
etiamsi id non exprimat, obligat in conscientia.

---

[urn:nbn:de:hbz:466:1-73203](#)

## Amor Legibus obtemperans.

13

*garn corporis Domini mandationem.*

72 Tertio , Ecclesia , quā Legislatrix in materia purē ecclesiastica , est Congregatio & Societas , non purē humana , sed Christiana ( ut constat ex Ecclesiae definitione ) igitur habet finem nobiliorem , quam Congregatio & Societas purē humana ; illum utique quem habet Congregatio & Societas Christiana , quā talis ; qui sine dubio est salus æterna , ad quam Congregatio Christiana , quā talis , sine dubio ordinatur.

73 Quarto , Ecclesiam , etiam quā Legislatricem in propria materia , Christus fundavit , & acquisivit sanguine suo. Actor . 2. Illum ergo habet finem , quem Christus , suo sanguine ipsam fundando intendit. Qui sine dubio est salus æterna , non sola externa pax , vel honestas , quæ cùm potius sit finis Congregationis & Societatis humanæ , quā talis , quam Christianæ , quā talis ; sicut pro ea sola Christus non fudit pretiosum sanguinem suum , sic in ordine ad illum finem solum Ecclesiam , seu Congregationem Christianam , quā talem , non fundavit , nec acquisivit sanguine suo.

74 Quinto denique , potestatem ecclesiasticam , etiam quā legislativam in materia propria , Christus Ecclesiae contulit his verbis : *Pasce oves meas* , Joan . 21. Sed his verbis Christus non contulit Ecclesiae , etiam quā Legislatrici in propria materia , potestatem pacendi fideles in ordine ad vitam temporalem præcisè : ergo in ordine ad vitam æternam. Ad quod significandum Matth . 16. dixit : *Tibi dabo claves regni celorum* , &c.

### C A P U T I X.

*Omnis humana lex , propriè dicta , sive ecclesiastica , sive civilis , etiam si id non exprimat , obligat in conscientia.*

75 Certeum est potestate ecclesiastica & civili posse ferri leges obligatorias in conscientia , etiam in materia alias non præcepta lege naturali , vel divinâ. Quamvis enim in contrarium referri soleat Gerlon lib. de vit. spirit. seçt. 4. ( quem tamen in bonum sensum ex contextu ipsius explicit doctissimus Pontificiaæ authoritatis Vindex in tract. de libert. Eccles Gallic. lib. 2. c. 8. ) & quoad potestatem civilem Almainus q. de potest. eccl. c. 11. aliquie pauci. Nihilominus quoad potestatem ecclesiasticam , sine controversia jam docent Autores Catholici ( inquit Valentia 1. 2. disp. 7. q.... p. 6. ) fide certum esse , quod possit ferri leges obligatorias in conscientia , etiam sub mortali. Quod vero attinet ad potestatem civilem , tameus Sotus l. 1. de justit. q. 6. a. 8. putet id non omnino certum ex fide : Ego autem certum proorsus arbitror. Suarez vero idipsum vel de fide , vel fidei proximum esse dicit l. 3. de legib. c. 21. Nam ( inquit )

ferè aperte colligitur ex illo Pauli ad Rom. 13. 76  
Omnis anima potestatis sublimis subdita fit. Non enim est potestas nisi à Deo. Quia autem sunt , à Deo ordinata sunt. Itaque qui resistit potestati , Dei ordinationi resistit. Qui autem resistunt , ipsi sibi damnationem ( æternam , uti exponunt Patres Græci & Latini , teste Bellarmino tom. 1. Controv. p. 1. l. 3. c. 2. ) acquirunt. Ideo necessitate subditi estote , non solùm propter iram ( id est propter poenam ) sed etiam propter conscientiam. Pallavicinus denique in Histor. Conc. Trid. l. 8. c. 19. dicit in eam sententiam consentire omnes , qui Roma probantur , ubi , qui contrarium tenent , notantur , nec hodie permitteretur doceri contrarium.

Sed licet tantus sit consensus Doctorum de potestate obligandi subditos in conscientia ; quidam tamen Recentiores , ut Thomas Hurtado , Arriaga , &c. id negant de facto , saltem quoad leges civiles : quamvis enim fateantur Principibus civilibus eam competere potestatem ; negant tamen ipso habere hanc voluntatem , seu intentionem ipso in conscientia obligandi ; à qua intentione usque adeò putant obligationem illam dependere , ut expressam de eo Legislatoris intentionem requirant , ad hoc ut lex civilis in conscientia obliget in materia , quæ alias non est juris divini , vel naturalis ; in qua dicunt , quod lex civilis , nisi id exprimat , in conscientia non ligat. Quae sententia adeò invaluit in vulgo , ut Navarrus in Manuali c. 23. dicat , de legum sæcularium transgressione non solere fieri scrupulos conscientiæ , nisi cùm per eam lex etiam divina , naturalis , aut canonica infringitur.

Nihilominus contra ipso probatur assertio nostra ( quæ adeò communis est inter Doctores , ut eorum plures oppositam aciōri censurā perfringant apud Valerum tit. 13. §. 3. ) ex Apostoli verbis n. 75. relativis , quæ certè nimis absoluta sunt , nimis generalia , nimis aperta , ut glossam patiantur. Neque enim Apostolus verba sua limitat ad casum quo Legislator civilis ( de quo expressè loquitur ) suam de eo intentionem exprimit , neque excipit casum , quo id non exprimit , neque expressionem istam requirit ; sed absolutè , generaliter , & ab' que distinctione , & exceptione , pronuntiat obligationem obediendi , non solùm propter iram , sed etiam propter conscientiam. A quo generali pronuntiato ex dictis to. 1. Prolegom. 1. c. 5. nobis non licet privatâ excipere autoritatē , nec generalitatem ipsius restringere solâ humana ratione , sine ullo in sacris Litteris , Canonibus , vel Patribus fundamento. Quo certè fundamento non solùm defituta est illa adversiorum exceptio , sed & insuper contraria est Apostoli intento , ut videbit , quisquis mature perpendere , ipsum loqui etiam de necessitate obediendi legibus Principiū temporis sui , qui Ethnici erant ,

B 3

nec intentionem obligandi in conscientia unquam exprimebant. Eorum tamen legibus necessario parendum Apostolus prædicabat, non solum propter iram, id est, propter peccatum, sed etiam propter conscientiam, seu conscientiae obligationem. Et istam esse Dei voluntatem, constat ex 1. Petr. 2. *Subjecti estote omni humana creatura propter Deum, siue Regi ... sive Ducibus ab eo missis ... quia sic est voluntas Dei.*

78 Nec fundata est glossa eorum, qui Apostoli verba restringunt ad legem Principum, quæ versatur in materia, quæ alias est juris divini, vel naturalis. Tum quia restrictio illa nullum habet fundamentum in Scriptura, nec in Patribus, nec in Apostoli contextu; imo ci obstat ratio Apostoli: *Non enim est potestas, nisi a Deo. Quia autem sunt, a Deo ordinatae sunt. Dei enim minister est, &c.* Cùm ista perspicue militet etiam in legibus civilibus, quæ non versantur in materia juris divini, vel naturalis, tamquam interpretationes, vel determinations illius. Tum quia ubi Apostolus non restringit, neque nos generalia verba ipsius restringere debemus, nec possumus. Tum denique quia alias ex Apostolicis verbis illis probari non posset, Legislatoribus civilibus competere potestam obligandi in conscientia, in materia non juris divini, nec naturalis. Quod qui diceret, apud omnes ferè Doctores male audiret: cùm oppositum, tanquam fide certum, vel fidei proximum, omnes ferè Doctores probent ex illo Apostoli loco.

79 Secundò probatur ex communi traditione Sanctorum, aientium, quod dum Deo contraria non præcipit homo, in legitima potestate constitutus, Deique proinde Vicarius, pariter obediendum sit, ac si Deus ipse præciperet. Ita nominatio Augustinus in tit. Psal. 70. Bernardus tract. de præcept. & dispens. conformiter Scripturæ, dicenti, eos qui obediunt ipsorum ordinacionibus, Dei ordinationi obedere, & qui ipsi resistunt, Dei ordinationi resistere. Atqui tenetur in conscientia obedere Deo, divinæque ordinationi. Ergo.

80 Tertiò, obligatio in conscientia, vel est essentia, vel propria passio veræ legis. Sed nulla vera lex est sine sua essentia, vel propria passione. Nulla igitur est sine conscientiae obligatione. Probatur major: tum quia vera lex est commune præceptum; obligatio vero conscientiae, vel involvitur in essentia, vel est propria passio præcepti, sicut & voti, uti docet Augustinus l. de sancta virginitate cap. 15. *Est autem præceptum, cui non obedere peccatum est. Consilium, quo si uti nolueris, minus boni adipisceris, non mali aliquid perpetras.* Tum quia conscientia obligatio, vel involvitur in essentia, vel est propria passio veræ legis divinae (utpote cuius prævaricatio nunquam non est veri nominis peccatum, uti patet ex peccati definitione tradita

ab Ambrosio l. 6. de Paradiso c. 8. *Peccatum est divina legis prævaricatio.* Et ab Augustino 22. contra Faustum 27. *Peccatum est diabolum, factum, vel concupitum contra legem Dei eternam.*) Ergo similiter involvitur in essentia, vel est propria passio verae legis humanae: cùm omnis vera lex humana sit participatio quædam legis aeternæ, & omnis prævaricator verae legis humanae sit prævaricator divinæ, jubentis obedire omni superiori legi præcipienti, secundum illud, *Qui resiliat potestatis, Dei ordinationi resistit.* Qui vos audit, me audit, &c. Omnis item prævaricator veri præcepti Regis ac Principis, sit prævaricator quarti præcepti Decalogi, sicut omnis prævaricator veri præcepti parentum suorum, quorum non est major, imo minor auctoritas in filios, quam Regis in subditos, uti docet Augustinus Serm. 6. de verb. Dom.

Et hinc patet obligationem legum civilium in conscientia, iis positis, ex natura rei provenire, sive ex natura ipsius legis humanae; sicut obligatio præcepti parentum, ac voti, positio voto, & præcepto illo, oritur ex natura præcepti ac voti. Situt enim senec posito quod pater acquisierit jus in filium titulo generationis, ratio naturalis dictat sibi obediendum; si posito quod Princeps acquisierit jus legitimæ potestatis, v.g. titulo legitimæ successionis, vel electionis, ratio naturalis dictat ei obediendum.

Patet etiam non magis necessariam esse expressam declarationem intentionis Legifloris, ad hoc ut humana lex obliget in conscientia, quam expressam declarationem intentionis parentis, vel voventis, ad hoc ut verum patris præceptum, vel votum obliget in conscientia. Enimvero non est cur expressio illa magis necessaria sit in lege civili, quam in ecclesiastica. Sed necessaria non est in lege ecclesiastica. Ergo. Minor constat ex eo quod innumeræ leges Conciliarum & SS. Pontificum ab omnibus censentur in conscientia obligare, sine tali expressione, quam Concilia, & Patres facere non solent, nec fecerunt in lege jejuniu. g. nec in lege lata in cap. finali de celebr. Miss. ne Latinus in Ecclesia Occidentali celebret in fermentato: istorum tamen præceptorum transgressio, tametsi non ex contemptu, vel inobedientia, foret mortalis; oppositam quippe opinionem Alexander VII. condemnavit. Major vero probatur, quia nulla appetit disparitatis ratio, utpote quae non bene petitur, ex eo quod finis legum civilium sit sola externa politia: cùm finem legum ecclesiasticarum, in materia priore ecclesiastica, nonnulli ex adversariis pariter exultant esse solam externam politiam ecclesiasticam, confiterique ex dictis cap. 7. & 8. nec legum civilium, nec ecclesiasticorum finem esse solam illam externam politiam.

Et

83 Et confirmatur 1°. quia si expressio illa requireretur, nullæ Ethniconum leges in conscientia unquam obligasent (ob defectum istius expressionis) hoc autem dicere, estet Apostolo in faciem contradicere.

84 2°. Dato, non concessio, quod in Principi pecculari, ultra potestatem, & voluntatem ferendi legem, ad obligandum in conscientia, necessaria foret intentio taliter obligandi, adhuc equidem in casu non expressio, intentio ista presumenda foret: cum omnis Legislator enixè cupiat leges à se latas exacte servari. Ideo namque Licurgus cives suos sacramento adegit, ad promittendam legum custodiā. Ideo eadem custodia legum prima & summa lex Platonis fuit. Ideo Reges & Magistratus pecculares poenam transgressoribus apponere solent; non ut conscientiae obligationem relaxent (alias non satis promoverent commune bonum (quod est finis legum) cum pena externa ut plurimum non debeatur ante condemnationem, quam occulti transgressores facilè elidunt) sed ut hominibus minus timoratis (plus homines timentibus, poenamque temporalem, quam Deum, & poenam eternam) ultra conscientiae obligationem calcar istud adjiciant.

85 3°. Sic est in manu, seu potestate Legislatoris, legem ferre, vel non ferre, ut si legem veram ferat, lex ab ipso lata non possit non habere essentiam, naturam, naturalesque proprietates legis. Quamvis enim lex, quoad sui existentiam, pendeat à voluntate Legislatoris, supposita tamen legis existentia, voluntas Legislatoris efficere non potest, quod lex exitens non habeat essentiam, & naturam legis, &c. Quemadmodum praeceptum patris, & votum, quoad sui existentiam, pendeat à voluntate patris, vel voventis; supposita tamen existentia praecepti paterni, & voti, voluntas patris, vel voventis, efficere nequit, quod praeceptum paternum, & votum, non habeat essentiam, naturam, & naturales proprietates veri praecepti, & voti. Quemadmodum vero essentia, natura, vel naturalis proprietas veri praecepti, & voti, sic essentia, natura, vel naturalis proprietas verae legis, est obligatio in conscientia, uti praemissa convincent, recteque tradunt Bellarminus, Serarius, aliquie passim. Merito proinde sanctus Thomas 1. 2. q. 96. a. 4. generatim, & sine exceptione pronuntiat, leges, si justas sint, in conscientia obligare, deberentque Christiani tantò magis in eo convenire, quanto minus Ethnici in eo disconvenierunt; à quibus ideo præmium in Campis Elisis exspectandum credebatur ab obedientibus, & poena ab inobedientibus, quibus à Rada- mantho in clamaretur, *Dilecte iustitiam moniti,* &c.

## C A P U T X.

Satisfit objectionibus.

Objicies 1°. Legislatori civili, ut Rectori 86 politiæ civilis, per se non competit judicare de obligatione conscientiæ. Ergo dum aliud non exprimit, in conscientia non obligat.

Respondeo 1°. argumentum istud ducere in præcipitum. Siquid enim probat, probat, nec parentes, nec Legislatores civiles, in conscientia obligare posse (cujus oppositum ab omnibus ferè Theologis reputatur esse de fide, vel fidei proximum) quia nec parentibus, nec Legislatoribus civilibus, ut Rectores politiæ civilis, per se competit potestas judicandi de obligatione conscientiæ.

Respondeo 2°. in antecedente falso 87 supponi, nimirum Legislatores civiles, dum non intrepitantur legem divinam, vel naturalem, vel canonicanam, solum considerando, ut Rectores politiæ civilis externe. Cujus oppositum constat ex dictis cap. 7.

Respondeo 3°. negando consequentiam. 88 Quemadmodum enim ad hoc ut Legislator civilis in conscientia obligare possit, necesse non est, quod ipsi per se competit potestas judicandi de conscientiæ obligatione; sic ad obligare de facto in conscientia, non requiritur quod ipsi per se competat de facto judicare de ista obligatione.

Objicies 2°. Lex civilis, in materia capaci obligationis gravis, non necessariò obligat graviter: ergo in materia capaci obligationis in conscientia, non necessariò obligat in conscientia.

Respondeo, nec antecedens esse verum (ut poste videbitur) nec consequentiam bonam: utpote ex antecedente isto non magis conscientiam, quam ex eodem confici possit, legem civilem non necessariò obligare in conscientia, solum ad acceptandam poenam, in materia capaci talis obligationis. Ad poenam tamen acceptandam lex omnis, etiam civilis, in conscientia ut minimum obligat, ut adversarii fatentur. Si ergo lex civilis, in materia capaci obligationis gravis, non necessariò graviter obliget (quod non conceditur) ideo est, quia sine contracta essentia & natura legis: quæ (ex praemissis) non stat sine obligatione in conscientia.

Objicies 3°. Multæ leges ecclesiastice 90 non obligant sub peccato, nec proinde in conscientia (ut constat ex Regulis Dominicanorum, Minimatorum, & Societatis, quæ id expressè declarant) idem ergo dicendum de multis legibus civilibus.

Respondeo negando antecedens, intellectum de veris ac propriis dictis legibus.

Ad ejus probationem, Respondeo (cum Driedone lib. 3. de libert. Christ. cap. 3. Bellarmine l. 3. de membris Eccles. c. II. Filliatio tr. 2. c. II. Sylvio 1. 2. q. 96.